

### Kaabe me Kaafir ja sakta hai mushrik nahi

Sarkar ﷺ ne farmaya, ke shaitan mayus ho gaya is baat se ke ab Kaabe me dubara shirk kiya jaye. Kufr alag hai shirk alag, mushrik nahi jaa sakta, kafir jaa sakta hai iski daleel hai

Hadees: Hazrat Umar Ibn Khattab رضى الله تعالى عنه Khana e Kaaba ka tawaaf kar rahe hain, Hajre Aswad ke kareeb aye, bosa diya, aur farmaya, "ai Hajre Aswad, tu mahez ek patthar, na tu kisi ko nafa de sakta hai na nuqsan", mai jujhe sirf ilsiye chum raha hun ke aisa karta dekha hai maine apne Nabi ko, Nabi ne tujhe chuma hai.

Piche khare the Maula e Qayenat Ali e Murtuza, farmaya, Ameerul Momeneen, ye apne kya keh diya, ye patthar faida aur nuqsan dono pahoncha sakta hai, pucha kaise, famaya, maine Allah ke Nabi ﷺ se suna hai, ke ye Hajre Aswad, Jannat ka patthar hai, iski 2 ankhen 1 dil hai, ye apni ankhon se momin ko bhi dekhta hai aur kafir ko bhi, jo iske kareeb se guzarta hai tawaaf karte hue, ye uske imaan ko bhi dekh leta hai aur kufr ko bhi dekh leta hai

Qayamat ke din Hajre Aswad bator e gawaah laya jeyega, momin ki imaan aur kafir ke kufr ki gawahi dega, to jiske liye ye gawahi kufr ke de de to uske liye naqsan pahonchane wale aur jiske liye imaan ki gawahi de de to uske liye faida baksh hogaya - Mishkat Sharif